



RAPORT
MBI AUDITIMIN E EKSTRAKTIT
PËRFUNDITMAR
TË PËRBËRËSVE ZGJEDHORË

KOMISIONI QENDROR I ZGJEDHJEVE

Rruga "Ibrahim Rugova", Nr. 4

Tiranë, Shqipëri

ELENA XHINA

Audit Teknikien Raporti i Auditit teknikien

Komisionit Qendror të Zgjedhjeve

I nderuar z.Kryetar,

Të nderuar anëtarë të Komisionit Qendror të Zgjedhjeve,

Në zbatim të vendimit nr. 208, datë 23.11.2022, të Komisionit Qendror të Zgjedhjeve “Për emërimin e auditëve teknikienë për mbikëqyrjen e procesit të hartimit të listave të zgjedhësve, për zgjedhjet për organet e qeverisjes vendore të datës 14 maj 2023”, si dhe duke ndjekur udhëzimin nr.2, datë 28.12.2012 të Komisionit Qendror të Zgjedhjeve, “Për miratimin e rregullave të veçanta për kushtet e kontratës dhe kryerjen e auditimit nga auditët teknikienë për verifikimin e veprimeve në bazën e të dhënave RKGJC”, ju sjellim si më poshtë raportin e auditimit të kryer për periudhën 22.11.2022– 20.03.2023.

Në këtë raport jepen vlerësimet dhe rekomandimet për veprimet e kryera mbi bazën e të dhënave në Regjistrin Kombëtar të Gjendjes Civile duke analizuar të gjashtë e përbërësve zgjedhorë dhe listat e zgjedhësve, të gjeneruara nga Regjistri Kombëtar i Gjendjes Civile (RKGJC) në zbatim të “Kodit Zgjedhor”, ligjit “Për Gjendjen Civile”, si dhe akteve nënligjore të mëposhtme:

o Udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”;

o Udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike”;

o Udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.

Raporti i Auditit teknikien përfundimtar

Përmbajtja

Hyrje.....	4
Baza ligjore e auditimit	4
Metodologjia e Auditimit.....	5
Opinione.....	6
Rekomandime	8
Statistika.....	9
Përfundime.....	12

Hyrje

Zgjedhjet për organet e qeverisjes vendore, sipas dekretit nr.13864, datë 24.10.2022, të Presidentit të Republikës, do të zhvillohen më datë 14 maj 2023. Pas krijimit të përvojës nga zgjedhjet e datës 30 qeshor 2019 për organet e qeverisjes vendore, të bazuara mbi ndarjen e re Administrativo-Territoriale të njësive të qeverisjes vendore, këto zgjedhje pritet të jenë më të konsoliduara dhe me problematikë më të ulët përsa i përket informacionit të gjeneruar nga Regjistri Kombëtar i Gjendjes Civile.

Baza ligjore e auditimit

- Ligji nr.10 019, datë 29.12.2008 “Kodi Zgjedhor i Republikës së Shqipërisë”, i ndryshuar;
- Ligji nr.10 129, datë 11.05.2009 “Për gjendjen civile”, i ndryshuar;
- Ligji nr.10 325, datë 23.09.2010 “Për bazat e të dhënave shtetërore”;
- Vendimi i KM nr.365, datë 11.06.2004 “Për krijimin e mënyrën e mbajtjes së Regjistrit Kombëtar të Gjendjes Civile dhe për rregullat e shfrytëzimit të teknikës dhe rrjetit informatik”;
- Vendimi i KM nr.673, datë 22.11.2017 “Për riorganizimin e Agjencisë Kombëtare të Shoqërisë së Informacionit”, i ndryshuar;
- Udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”;
- Udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë denimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike”;
- Udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.
- Udhëzimit të KQZ-së nr.2, datë 28.12.2012 “Për miratimin e rregullave të veçanta për kushtet e kontratës dhe kryerjen e auditimit nga auditet teknikiene për verifikimin e veprimeve në bazën e të dhënave të Regjistrit Kombëtar të Gjendjes Civile (RKGJC) dhe në sistemin elektronik të verifikimit dhe regjistrimit të zgjedhësve (SEV)”.

Metodologjia e Auditimit

Përgjegjësia e audituesit është që të verifikojë përputhshmërinë e veprimeve të kryera nga DPGJC me rregullat e përcaktuara në “Kodin Zgjedhor”, ligjin për “Gjendjen Civile”, si dhe aktet nënligjore të nxjerra në zbatim të tyre nga KQZ-ja dhe Ministri i Brendshëm, mbi bazën e të dhënave të Regjistrit Kombëtar të Gjendjes Civile, nga fillimi i procesit deri në shpalljen e listave përfundimtare të zgjedhësve.

Listat e zgjedhësve janë dokumente zyrtare të zgjedhësve, që burojnë nga Regjistri Kombëtar i Gjendjes Civile për çdo zonë të qendrës së votimit, të hartuara në përputhje me Kodin Zgjedhor. Auditimi për përbërësit zgjedhorë në kuptimin që ka dhënë Kodi Zgjedhor, në nenin 45, nënkupton auditimin e përbërësve të gjendjes civile, si më poshtë:

- a) emri;
- b) atësia;
- c) amësia;
- d) mbiemri;
- e) datëlindja;
- f) numri personal i identifikimit;
- g) shtetësia;
- h) kodi i vendbanimit;
- i) gjinia.

Auditimi është kryer mbi parimin e prezumimit të vërtetësisë së të dhënave të vëna në dispozicion nëpërmjet:

1. Informacioni zyrtar publik nga ekstrakti i parë (22 nëntor 2022), ekstrakti i dytë (19 dhjetor 2022), ekstrakti i tretë (21 janar 2023), ekstrakti i katërt (19 shkurt 2023), ekstrakti i pestë (20 mars 2023) dhe ekstrakti i gjashtë (04 prill 2023), të publikuar *online*.
2. Gjithashtu, nga punonjës të DPGJC është mundësuar aksesimi me të drejta leximi (View) në RKGJC, me qëllim realizimin e auditit.

Raporti i Auditit teknikien përfundimtar

3. Për realizimin e kërkesave të këtij auditimi janë kryer verifikime/testime të bazuara në kontrollet mbi ekstraktet përkatës si dhe RKGJC, duke filtruar fushat/rekordet përkatës në bazë të përcaktimeve ligjorë në fuqi.

Verifikimi i dublimeve, që në fazat e para të auditit janë vënë në dispozicion nga punonjësit e DPGJC. Sipas tyre testimi është realizuar mbi bazën e krahasimit dhe të ngjashmërisë së rubrikave të përbërësve zgjedhore sipas aneksit nr.1, të Udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.

Opinione

- Janë zbatuar procedurat në zbatim të udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”, të udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 “Për garantimin e personave që zgjidhen, emërohen dhe ushtrojnë funksione publike” dhe të Udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.
- Janë gjeneruar brenda afateve ligjore në respekt të pikave 5 dhe 7, të nenit 51, të Kodit Zgjedhor, ekstrakti i parë, i dytë, i tretë, i katërt, i pestë dhe i gjashtë i përbërësve zgjedhore:
 - ekstrakti i parë i përbërësve zgjedhorë u gjenerua më datë 22 nëntor 2022;
 - ekstrakti i dytë i përbërësve zgjedhorë u gjenerua më datë 19 dhjetor 2022;
 - ekstrakti i tretë i përbërësve zgjedhorë u gjenerua më datë 21 janar 2023;
 - ekstrakti i katërt i përbërësve zgjedhorë u gjenerua më datë 19 shkurt 2023;
 - ekstrakti i pestë i përbërësve zgjedhorë u gjenerua më datë 20 mars 2023;
 - ekstrakti i gjashtë i përbërësve zgjedhorë u gjenerua më datë 04 prill 2023.

Raporti i Auditit teknikien përfundimtar

- Në zbatim të përcaktimeve të pikës ç), të nenit 48 të Kodit Zgjedhor: është publikuar lista e zgjedhësve online në linkun:

https://e-albania.al/eAlbaniaServices/UseService.aspx?service_code=12416

i cili mund të gjendet në portalin *e-Albania*, në faqen zyrtare të KQZ, si dhe në faqen zyrtare të MB.

Shërbimi elektronik “**Kërkimi i qendrës së votimit (QV)**” i mundëson çdo shtetasi shqiptar të kërkojë adresën e qendrës së votimit në të cilën është caktuar të votojë. *Të dhënat e përdoruesve shfaqen automatikisht nga databaza e Gjendjes Civile, të cilat administrohen nga Drejtoria e Përgjithshme e Gjendjes Civile. Në asnjë rast e-Albania nuk modifikon të dhënat e publikuara.*

Informacioni për listat e zgjedhjeve	Ekstrakti I-rë 22.11.2022	Ekstrakti II-të 19.12.2022	Ekstrakti III-të 21.01.2023	Ekstrakti IV-ërt 19.02.2023	Ekstrakti V-të 20.03.2023	Ekstrakti VI-të 04.04.2023
Numri i përgjithshëm i qendrave të votimit	5,096	5,198	5,193	5,194	5,198	5,211
Numri i qendrave të votimit mbi limitin (1000 zgjedhës)	104	22	1	1	2	0
Numri i qendrave të votimit nën limitin (15 - 300 zgjedhës)-QV të veçanta	3	3	3	6	9	14
Numri i qendrave të votimit nën limitin (15 - 300 zgjedhës)	0	0	0	0	3	0
Numri i qendrave nga 1 deri në 15 zgjedhës	276	30	5	1	0	0
Lista e shtetasve 100 vjeç të papërfshirë nga lista	3,845	3,827	3,795	3,779	3,737	3,717
Lista e shtetasve (dekriminalizimi) të papërfshirë nga lista	754	750	752	805	746	1,111
Lista zgjedhësve me numër banimi 000/888/999	5,365	1,367	648	590	169	433
Numri i zgjedhësve në total të përfshirë në lista	3,545,091	3,633,662	3,653,563	3,651,512	3,649,257	3,650,550
Të papërfshirë në lista (për shkak të qendrave jashtë limitit)	115,514	25,218	2,738	2,476	2,753	0
Numri total i zgjedhësve	3,660,605	3,658,880	3,656,301	3,653,988	3,652,010	3,650,550
Meshkuj	1,848,733	1,847,803	1,846,469	1,845,198	1,844,164	1,843,170
Femra	1,811,872	1,811,077	1,809,832	1,808,790	1,807,846	1,807,380

Raporti i Auditit teknikien përfundimtar

- Ka patur një përmirësim nga ekstrakti i parë deri në ekstraktin përfundimtar:
 - Numri i përgjithshëm i qendrave të votimit nga 5,096 qv në 5,211 qv;
 - Numri i qendrave të votimit mbi limit nga 104 qv në 0 qv;
 - Numri i qendrave të votimit të veçanta nga 3 qv në 14 qv;
 - Numri i qendrave të votimit me 1 deri në 15 zgjedhës nga 276 qv në 0 qv;
 - Lista e shtetasve 100 vjeç të pa përfshirë nga lista nga 3,845 në 3,717;
 - Lista e shtetasve (dekriminalizimi) të papërfshirë në lista nga 754 në 1,111;
 - Lista zgjedhësve me numër banimi 000/888/999 nga 5,365 në 433;
 - Numri i zgjedhësve në total të përfshirë në lista nga 3,545,091 në 3,650,550;
 - Numri i zgjedhësve të papërfshirë në lista (qv jashtë limitit) nga 115,514 në 0.

Në zbatim të pikës 3/1, të udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”, renditja e zgjedhësve në qendrat e votimit, në ekstraktin e tretë, të katërt, të pestë dhe atë përfundimtar është kryer sipas kodit të ndërtesës dhe numrit të familjes, ku anëtarët e të njëjtës familje nuk mund të ndahen nëpër fraksione, të së njëjtës qendër votimit. Kodi i ndërtesës është kriteri i parë i renditjes, por nuk ka kriter grupimi. Për këtë arsye një kod ndërtese mund të shfaqet në një ose më shumë fraksione. Vetë lista e votimit të formatit “A” renditet sipas mbiemrit.

Me zbatimin e këtyre kriterëve në radhitjen e zgjedhësve në qendrat e votimit, në ekstraktin e tretë, katërt dhe të pestë, janë prekur 1,374 qendra votimit dhe 1,281,150 zgjedhës, ndërsa numri i qendrave të votimit, përfshirë dhe fraksionet, të prekura është 3,079 qendra votimit dhe 1,281,182 zgjedhës.

Rekomandime

Bazuar në auditimin e kryer nga ekstrakti i parë deri në ekstraktin përfundimtar të përbërësve zgjedhorë rekomandoj që:

1. Në mënyrë që të mos ketë më qendra votimi me numër zgjedhësish jashtë kriterëve ligjore sugjeroj që të kryhen ndryshime në sistemin informatik qendror të DPGJC në mënyrë që punonjësit e zyrave të gjendjes civile të mos munden që një zgjedhësi t’i vendosin një numër QV-je e cila është:

Raporti i Auditit teknikien përfundimtar

- Jashtë përcaktimeve ligjore;
- Nuk është aktive (pa votues);
- Ka numër të ndryshëm nga udhëzimet në fuqi për përcaktimin e numrit të QV-së për rastet specifike (psh.8899 ose 7788);

Gjithashtu rekomandohet që po në sistem të kryhen ndryshime për të detyruar që:

- **Nëse ndryshon një nga fushat “adresa” apo “FamilyID”, do të duhet të konfirmohet edhe numri i QV-së.**

2. Duhet të vazhdojë dhe të intensifikohet bashkëpunimi me zyrat e gjendjes civile dhe njërive të qeverisjes vendore në favor të procesit të verifikimit dhe më pas pastrimit të numrit potencial të dublimeve nga lista e rekordeve të dyshuar si të dubluar.

3. Duhet të vazhdojë dhe të intensifikohet bashkëpunimi me zyrat e gjendjes civile dhe njërive të qeverisjes vendore në favor të procesit të verifikimit dhe më pas të saktësimit të kodit të vendbanimit të zgjedhësve me kod vendbanimi të papërcaktuar 000, 888 dhe 999.

4. Të vijojë puna për verifikimin dhe zbatimin e procedurës së pezullimit nga lista e zgjedhësve për shtetasit e mbetur, që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike”.

5. Për reflektimin dhe përmirësimin e numrit të shtetasve të pezulluar nga lista e zgjedhësve për arsye të zbatimit të udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike”, do të duhet një bashkëpunim dhe koordinim më i mirë midis Drejtorisë së Përgjithshme të Gjendjes Civile me Drejtorinë e Përgjithshme të Burgjeve.

Statistika

Në bazë të ekstraktit të parë, të dytë, të tretë, të katërt, të pestë dhe përfundimtar të përbërësve zgjedhorë të gjeneruara përkatësisht në datat 22 nëntor 2022, 19 dhjetor 2022, 21 janar 2023, 19 shkurt 2023, 20 mars 2023 dhe 04 prill 2023, kemi të dhënat si më poshtë vijon:

1. Numri i përgjithshëm i zgjedhësve në lista

Është bërë kontrolli duke gjeneruar nga RKGJC listën për të gjithë ata shtetas të cilët janë zgjedhës sipas përcaktimeve të Kodit Zgjedhor të Republikës së Shqipërisë, ligji nr.10 019, datë 29.12.2008 “Kodi Zgjedhor i Republikës së Shqipërisë”, i ndryshuar.

- Në ekstraktin përfundimtar të datës 04 prill 2023 rezultuan gjithsej 3,650,550 zgjedhës, nga të cilët rezultuan 1,843,170 zgjedhës meshkuj dhe 1,807,380 zgjedhës femra;

Nga krahasimi i ekstraktit përfundimtar me ekstraktin e parë vihet re një diferencë (ulje e numrit) prej **10,055** e numrit total të zgjedhësve, e cila vjen si pasojë e reflektimit të numrit të vdekjeve gjatë periudhës midis ekstraktit të parë dhe atij përfundimtar, nga reflektimet e prapambetura që janë në vazhdim, si dhe nga verifikimi i dublimeve.

Ju bëjmë me dije se në asnjë nga ekstraktet zgjedhore të gjeneruara deri më tani nuk është shkelur asnjë nga pikat e nenit 51 të Kodit Zgjedhor. Në të gjitha zyrat e gjendjes civile janë printuar listat e zgjedhësve të ekstrakteve zgjedhore në përputhje me nenin 51, të Kodit Zgjedhor. Gjithashtu, për arsye të praktikave dhe procedurave të brendshme të ZGJC-ve, janë gjeneruar statistikatat të QV-ve që janë mbi dhe nën limit si dhe më të dhënat e zgjedhësve në këto QV, me qëllim informimin e kryetarëve të bashkive, për të vijuar me nxjerrjen e vendimeve për ndarje/bashkim të qendrave të votimit.

Drejtoria e Përgjithshme e Gjendjes Civile ka patur një bashkëpunim të vazhdueshëm me zyrat e Gjendjes Civile dhe njësitë të qeverisjes vendore në favor të procesit të verifikimit dhe më pas pastrimit të numrit potencial të dublimeve nga lista e rekordeve të dyshuar si të dubluar.

2. Numri i qendrave të votimit (QV)

Nga kontrolli dhe verifikimi i ekstraktit përfundimtar, përkatësisht të datës 04 prill 2023 rezulton se:

- Numri i përgjithshëm i qendrave të votimit me numër zgjedhësish brenda përcaktimeve ligjore në ekstraktin përfundimtar të datës 04 prill 2023 është : 5,211 qendra votimi;
- Numri i qendrave të votimit me numër zgjedhësish mbi 1,000 në ekstraktin përfundimtar të datës 04 prill 2023 është: 0 qv;

Raporti i Auditit teknikien përfundimtar

Zyrat e gjendjes civile kanë arritur të realizojnë me sukses shpërndarjen e zgjedhësve në qendra votimi.

- Numri i qendrave të votimit me numër zgjedhësish 15-300 në ekstraktin përfundimtar të datës 04 prill 2023 është: 0 qv.

Zyrat e gjendjes civile kanë arritur të realizojnë me sukses shpërndarjen e zgjedhësve në qendra votimi.

- Numri i qendrave të votimit me numër zgjedhësish nën 15 në ekstraktin përfundimtar të datës 04 prill 2023 është: 0 qv;

Zyrat e gjendjes civile kanë arritur të realizojnë me sukses shpërndarjen e zgjedhësve në qendra votimi.

- Numri i zgjedhësve mbi 100 vjeç të përfshirë në lista në ekstraktin përfundimtar të datës 04 prill 2023 është: 3,717 zgjedhës;

Nga ekstrakti i parë në ekstraktin e gjashtë vihet re një ulje e numrit të këtyre shtetasve me 128 zgjedhës, si pasojë e kërkesave që kanë bërë këta zgjedhës për t'u përfshirë në listat e votimit dhe verifikimeve përkatëse të kryera nga zyrat e gjendjes civile. Nga ana e saj DPGJC ka gjeneruar raporte mujore me të dhënat e personave mbi 100 vjeç të cilat u janë dërguar zyrave përkatëse të gjendjes civile me qëllim që në bashkëpunim me njësitë e qeverisjes vendore të kryhet procesi i njoftimit dhe verifikimit të këtyre personave.

Zyrat e Gjendjes Civile kanë realizuar verifikimet, bazuar në raportin e DPGJC, por mbetet një numër i konsiderueshëm për shkak të familjarëve emigrant .

- Numri i zgjedhësve me kod vendbanimi të papërcaktuar 000, 888 dhe 999 në ekstraktin përfundimtar të datës 04 prill 2023 është: 433 zgjedhës;

Lidhur me numrin e zgjedhësve me kod vendbanimi të papërcaktuar, ka patur një bashkëpunim dhe koordinim të mirë midis Drejtorisë së Përgjithshme të Gjendjes Civile dhe Njësive të Qeverisjes Vendore për të mos patur këtë kategori zgjedhësish, duke e ulur numrin e zgjedhësve për këtë kategori.

- Numri i zgjedhësve të papërfshirë në lista për shkak të qendrave jashtë limitit në ekstraktin përfundimtar të datës 04 prill 2023 rezulton: 0 zgjedhës;

Drejtoria e Përgjithshme e Gjendjes Civile ka patur një bashkëpunimin dhe koordinimin shumë të mirë me Njësitë e Qeverisjes Vendore për të mos patur këtë kategori zgjedhësish, duke ulur në 0 numrin e zgjedhësve për këtë kategori.

3. Numri i zgjedhësve të papërfshirë nga lista për shkak të dekriminalizimit

Në këtë kategori bëjnë pjesë ata zgjedhës të cilët janë pezulluar nga lista e zgjedhësve për arsye të zbatimit të udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike”.

- Nga kontrolli dhe verifikimi rezulton se numri i shtetasve të papërfshirë nga lista (dekriminalizimi) në ekstraktin përfundimtar të datës 04 prill 2023 është: 1,111 zgjedhës;
Nga bashkëpunimi i Drejtorisë së Përgjithshme të Gjendjes Civile me Drejtorinë e Përgjithshme të Burgjeve është bërë e mundur rritja e numrit të shtetasve të verifikuar dhe përjashtuar nga lista zgjedhore.

Përfundime

Auditimi për përbërësit zgjedhorë në kuptimin që ka dhënë Kodi Zgjedhor, në nenin 45 nënkupton auditimin për përbërësit e gjendjes civile si më poshtë:

- a) emri;
- b) atësia;
- c) amësia;
- d) mbiemri;
- e) datëlindja;
- f) numri personal i identifikimit;
- g) shtetësia;
- h) kodi i vendbanimit;

Raporti i Auditit teknikien përfundimtar

i) gjinia.

- Në ekstraktin përfundimtar të datës 04 prill 2023 rezultuan gjithsej 3,650,550 zgjedhës, nga të cilët 1,843,170 zgjedhës meshkuj dhe 1,807,380 zgjedhës femra.

Nga krahasimi i ekstraktit të parë dhe të gjashtë vihat re një diferencë (ulje e numrit) prej **10,055** e numrit total të zgjedhësve, e cila vjen si pasojë e reflektimit të numrit të vdekjeve gjatë periudhës midis këtyre ekstrakteve, nga reflektimet e prapambetura që janë në vazhdim, si dhe nga verifikimi i dublimeve.

Duhet të vazhdojë dhe të intensifikohet bashkëpunimi me zyrat e gjendjes civile dhe njësisive të qeverisjes vendore në favor të procesit të verifikimit dhe pastrimit të numrit potencial të dublimeve nga lista e rekordeve të dyshuar si të dubluar.

Numri i qendrave të votimit me numër zgjedhësish mbi 1,000 është ulur ndjeshëm, nga bashkëpunimi i mirë i Drejtorisë së Përgjithshme të Gjendjes Civile me zyrat e gjendjes civile.

Numri i qendrave të votimit të veçanta me numër zgjedhësish 15-300 ka ardhur në rritje.

Numri i qendrave të votimit me numër zgjedhësish nën 15 është ulur nga 276 qv në 0 qv, nga bashkëpunimi i mirë i Drejtorisë së Përgjithshme të Gjendjes Civile me zyrat e gjendjes civile.

Numri i zgjedhësve mbi 100 vjeç të papërfshirë në lista ka ardhur në zbritje, nga verifikimet që nëpunësit e zyrave të gjendjes civile kanë kryer.

Numri i zgjedhësve me kod vendbanimi të papërcaktuar 000, 888 dhe 999 ka ardhur në zbritje. Do të duhet bashkëpunim dhe koordinim më i mirë midis Drejtorisë së Përgjithshme të Gjendjes Civile dhe Njësive të Qeverisjes Vendore për të mos patur më këtë kategori zgjedhësish.

Raporti i Auditit teknikien përfundimtar

Numri i zgjedhësve të papërfshirë në lista për shkak të qendrave jashtë limitit, nëpunësit e zyrave të gjendjes civile kanë kryer verifikimet e nevojshme, në mënyrë që të mos ketë zgjedhës të papërfshirë në lista për shkak të qendrave jashtë limitit.

Numri i qendrave të votimit me numër zgjedhësish nën 15, nuk ka.

Në ekstraktet zgjedhore të gjeneruara deri më tani nuk është shkelur asnjë nga pikat e nenit 51, të Kodit Zgjedhor.

Në të gjitha zyrat e gjendjes civile janë printuar listat e zgjedhësve të ekstrakteve zgjedhore në përputhje me nenin 51, të Kodit Zgjedhor.

Janë zbatuar procedurat në zbatim të udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”, të udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike” dhe të udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile.